

Commissie Sexueel Misbruik van Minderjarigen trahando riba un investigacion importante



ORANJESTAD (AAN): Diamars mainta a tuma lugar un conferencia di prensa di Commissie Sexueel Misbruik van Minderjarigen y presidente di e comision Lisette Gomes a splica cu e comision ta cay directamente bao di Prome Minister . El a splica cu na November 2019 el a sinta cu Prome Minister riba e tema di abuso sexual di mucha, cu ta sigui ta algo preocupante den nos comunidad. “Nos a bin cu e idea pa lanta e comision aki pa por haci algun investigacion y na final via un rap-

port nos lo por duna consejo na Gobierno”. Na Juni di e aña aki nos a ranca sali cu algun miembro, incluyendo Ayesha Engelbrecht, Janice Poeran, Daphne Tecklenborg, Sue Ann Laclé Ras, Dr. Maritza Ordoñez, Dr. Rafael Croes, Regina Oosterwolde y Trudy Hassell, segun Gomes. El a splica cu for di e tempo ey e comision ta sinta hunto y ta tene reunionnan cu cierto stakeholders importante. Despues di tur e reunionnan e comision a dicidi di haci un investigacion nacional, unda cu e inten-

cion ta bay pa sinta cu 150 persona, incluyendo mayornan, educadornan, doctornan y psicologonan. Banda di esaki lo sinta cu Jeugd- en Zedenpolitie, Ministerio Publico y corte di husticia. “Nos sa cu den pasado ya caba cierto investigacion a tuma lugar na Aruba, pero esaki ta bay un tiki mas leu pa nos por fortifica e parti di cuido, e parti represivo, na momento cu un caso bin dilanti”. Esaki ta pa entre otro yuda e mucha pa e por haya su tratamentonan manera cu mester ta, pero tambe e parti judicial pa asina

e casonan por cana mas nechi y investigacionnan por bay mihor pa asina nos mira mas castigo, segun Gomes. E investigacion a cuminsa Dialuna y lo dura alrededor di 1 luna. Segun presidente di e comision, nan a sinta cu psicologonan priva y trahadornan social y el a indica cu tur cos a bay hopi bon. “Na momento cu bo ricibi un email, laga nos sa si bo por participa, pa nos sa si nos tin cu sigui busca mas profesional pa yuda nos cu e parti aki di e investigacion”.

Si abo como mayor, educador of profesional ta interesa pa participa na e investigacion bo por tuma contacto cumi na 5629820 y nos lo percura pa bo haya un invitacion personal cu tur e detayenan cu ta bin su tras, segun Gomes.



Mondmasker
ta obligatorio
den tur lugar!!!